



Ramhlun North YMA Chanchinbu

“YMA thuvawn: YMA chu tanpui ngaite tanpuitu a ni”



YMA thiltum: 1. Hunawl hman that. 2. Zofate hmasawwna ngaihtuah. 3. Kristian nun dan tha ngaihsan

Vol. 42

Issue No. 53

Ramhlun North: Ni 4 January 2025

BRANCH THUTHAR

■ **RNYMA Executive Committee meeting:** January 10, 2025 (Zirtawpni) 5:00 PM-ah meeting hmasa ber koh a ni a, Executive Committee member-ten hun remchang insiama, meeting-a tel theuh tur a ni e.

■ **January thla khawhar in hruaitu turte:**

Leader : Pu David Lalrinzuala

Asst. Leader: Tv. Lalrinpuia

OB i/c : Pu Biakchungnunga

1. Pu C. Lalnunmawia

2. Pu K. Lalruatkima

3. Pu C. Lalremruatfela

4. Pu R. Lalrinliana

5. Ni. V. Lalruatkimi

■ **Mi 60 hnenah Krismas thilpek sem a ni:**

Veng chhunga mi hrang hrang 60 hnenah RNYMA hmingin Krismas Thilpek sem chhuah a ni a, mi pakhat hnenah Rs. 3,000 zela semin, Rs 1,80,000 sem chhuah a ni. Krismas thilpek sem chhuah tur hian RNYMA-in Rs 1,00,000 a dah bakah Section hrang hrangin hemi puala branch-a sum an thawh leh veng chhunga mi inphalten RNYMA kaltlanga an luanchhuahna tlingkhawmte hman a ni. Mi dangte tana inpe tak tak kan awm thin hi RNYMA chuan lawmawm a tiin sum thawhtu zawng zawng chungah lawmthu a sawi a ni.



RUANG CHHUAK

■ PC Malsawmtluanga, kum 43, h/o RD Lalramliani (L), Thingsulthliah khua chu December 30, 2024 dar 8:10 AM khan ZMC Hospital-ah a boral a. Pu RD Lalremruata, N-Sec inah a ruang chawhpui a nih hnuin an khua panpui a ni.

■ Pi Lalzawmpuii, kum 79, m/o Darchungnunga, Phullen khua chu December 31, 2024 dar 9:45 AM khan V-Sec-a a fapa Pu Darchungnunga inah a boral a. Thlahna hun hman a nih hnuin an khua panpui a ni.

2025 RNYMA Executive Committee Member ruat

Ramhlun North, January 4, 2025: December ni 30, 2024, zan dar 7:00-a RNYMA Office Bearers meeting chuan an thawhpui tur Adviser/Ex-Officio/Executive Committee member a ruat chhuak a, rokhawlhna dang a awm loh chuan ni January 10, 2025-ah Executive Committee meeting neih a ni ang. Khawtlang rawngbawl hna pawimawh tak hi mathei lova thawh ngai te, chhungkaw pawipang tul takte pawh tlansana thawh a ngaih thin avangin khawtlang tana inpe thei tura thawhpui a, pawl tihlen leh tihchak a ngai hle a, chuvang chuan hruaitu tura ruat chhuahthe hian mawhphurhna sang tak an nei a, kumtluana hriselna tha tak nen he rawngbawl hna hi an thawh theih nan Pathian awmpuina kan dilsak fo pawh a tul hle awm e.

ADVISERS : Pu R. Zonunmawia & Pu Lalbiakdawla
EX-OFFICIO : Pu C. Lalnunmawia, Chairman Local Council, Ramhlun North
CEC MEMBER : Pu Lalrochama (Branch Vice-President)

EXECUTIVE COMMITTEE MEMBER-TE:

1. Pu Vanlalrova	15. Pu C. Lalremruata	28. Pu David Lalrinzuala
2. Pu Lalneihhlua	16. Pu Isaac Zothianghlina	29. Pu R. Lalrinliana
3. Pu Vanlalruata Ralte	17. Pu Lalhriatpuia	30. Pu Lalfakzuala
4. Pu R. Lalrinmawia	18. Pu Lalremsanga Hnamte	31. Tv. Eddie Lalfakzuala
5. Tv. Lalawmpuia	19. Pu K. Lalruatkima	32. Pu Malsawmzuala Ralte
6. Pu Ramfangzauva	20. Pu VL Pianruala	33. Pu C. Lallianzuala
7. Pu KC Lalramluahpuia	21. Pu K. Vungmanga	34. Ni. Laldusangi Pachauau
8. Tv. Lalrinpuia	22. Pu Lalzemawia	35. Ni. Lallawmzuali Ralte
9. Pu Lalthlengliana	23. Pu H. Lalthazuala	36. Ni. V Lalruatkimi
10. Pu H. Rodingliana	24. Pu John F. Lalrinsanga	37. Ni. Lalrokimi
11. Pu C. Lalremruatfela	25. Pu Lalrampana	38. Ni. Esther Lalmuanpuii
12. Pu Lalremsanga	26. Pu John Lallawmawma	39. Ni. Elizabeth Lalnuntluangi
13. Tv. Lalthanchhunga	27. Pu H Lalremruata	40. Ni. Lalmuanpuii
14. Pu Lalchhuanawma		

2024 chhunga RNYMA member ni lo boralte

Hming	Chhungte	Kum	Thihni	Section
1. Pi Rodawli	w/o K. Lalrina	76	11.1.2024	K
2. Lalrinpuui	d/o Malsawmtluanga	13	7.2.2024	K
3. Lalrinmawii	w/o Thangliana (L)	59	23.2.2024	C
4. Lt. Col. GK Kataria (Retd)	h/o Zonunsangi Zadeng	86	2.3.2024	T
5. K. Lalmalsawma	b/o Pu K. Lalruata	70	3.3.2024	N
6. Pi Lallianpuui	w/o R. Laldawla (L)	80	12.3.2024	S
7. Pi Laltluangpuui Sailo	m/o Joseph Ngursailova	80	17.3.2024	S
8. Pi Lalthari	w/o Lalhmingliana Kawlni (L)	89	6.4.2024	V
9. Tv. Chanchinmawia Ralte	s/o R. Lalthlamuana	28	27.4.2024	K
10. Pi Rohmingthangi	w/o F. Danghleia (L)	86	24.5.2024	T
11. Pi Rophiri	w/o T. Thangzuala (L)	69	9.6.2024	C
12. Pu RC Thanghlira	f/o Rohluni	85	8.7.2024	S
13. Pi R. Laldingliani	w/o T. Lianzuala	65	9.8.2024	K
14. Pi Biaksangi	sis/o Pu K. Tlangruala (S-Sec)	77	19.8.2024	S
15. Pi Vanlalhmuaki	w/o Lalliana (L)	92	20.8.2024	K
16. Pi Thankhumi	w/o V. Dengkunga (L)	79	6.9.2024	V
17. Pi Lalhmingaihi	m/o Laldinpuui (Buangi)	93	9.9.2024	V
18. Pi C. Dothangi	m/o Dr. F. Laltanpuia	80	6.10.2024	S
19. Pi Chawngthankimi	d/o Chawngpianga (L)	67	25.10.2024	V
20. Pi Sawithangi	m/o H. Lianzuala	101	6.11.2024	V
21. Pi Ralkapluaii	m/o C. Laltawnvela	96	15.11.2024	V
22. Er. Lalruatkima	h/o Lalromawii	64	30.11.2024	C



Kumtharah rilru tharin

Kum a thar a, zirlaiten an zirlai an zir chhunzawm leh sang sang ang a, hnathawktu pawhin a hna a thawh chhunzawm leh baw ang. Keimahni theuh hi a ngai reng la ni mah ila, kan rilru put hmang erawh chu keimahni vèk hian kan thlak thei a ni. Hlawhtlin kan duh theuh a, kan hlawhtlin loh chhan erawh a inang vek lo ang. Kan dil dik loh avanga hlawhtling lo nia kan inhriat phei chuan kuminah ngei hian dil dik dante zawng ila, a pe theitu chuan a pe ve tawh mahna le.

Khawvel tukverhahte dâk phâin changkânna tam tak hi ban pha mah ila, he khawvel hian that lam aiin chhiat lam a pan zel zawk niin a lang a. Kumthar kan chuang kai ve tan chauh nâ a, kum tha ni turin induhsakna thute lo infah tawh mah ila, eng boruakin nge min chîm dawn a, khawi lamtluang nge kan zawh dawn tih tu mahin kan hre bik lo. Ni hnuaiah hian thil thar reng reng a awm lo ve tiin Thuhrlitu khan a lo zia kalh mai a. Chhiatni leh thatni te pawh thil thlang tur ve reng, tute pawhin kan tawn tura vir kual reng a ni. YMA hi a thuvawna ding reng, tanpui ngai te, chhiattawh te tana inkau reng a ni a, chhiatnia khawtlang inngahna leh tluk luhna a nih avangin a thlamuanthlak hle.

RNYMA pawhin kumin atana hruaitu kan thlan chhuahten an tha tichak turin an thawhpui tur an ruat chhuak leh ta a, an tan tawngtai thin ila a lawmawm ngawt ang.



MIRÂWNG LUNGDAWH (Farpui Tlang Lungphun)

Farpui Tlang Lungphun hi Farkawn khawchhak lam, khua atanga mel hnih vela hlaa awm a ni. Farkawn khua chuan 'Mirâwng Lungdawn' an ti mai thin. He hmunah hian lung 50 vel lai a awm a, a tlu tawh nen phei chuan 60 chuang a awm e.

A hmun hi tlâng chhipa awm a nih avângin a hmun thlen zawh loh ni awm tak, tlang panna kawngah hian lung eng emaw zat a awm baw a. A hmun an thlen loh chhan hi an khua chuan hriat lawk loh harsatna lian tham an taw a, hmun dangah an insawn san emaw hma la zui thei lo khawpin khawtlangah emaw chungkuaah emaw harsatna a thlang a nih a rinawm.

Farpui Tlang Lungphun phun danah hian tlar fel taka phun a ni lem lo a, a lungah hian thil lem ker hmuh tur a awm meuh lo baw. Lung pahniyah erawh chuan selu leh thil dang lem a khuara ker a awm. He hmuna lungphun dang zawng zawng deuhthawa thil lem ker awm si lo, heng lung pahniha thil lem ker lo awm hian an khuaa mi pawimawh bikte tan, mi dang aia chungnung an nih lantir nana danglam bika an buatsaih a nih a rinawm.

Tin, he hmunah hian lung sum an tih mai thin, mihring sulhnu hmuh tur pawh a awm. Farpui Tlang lungphunte hi tun laia kan thlanmual ang deuhva a khawma phun a nih avângin thlanmual a ni thei a, khaw kawtchhuahah, an chhung thi tawhte hriat reng nana lung an dawh pawh a ni thei a. Tin, an ropuina tilang tura khawtlangin an phun emaw pawh a ni thei baw.

Farpui Tlang Lungphun phuntute hi

tute nge an nih chiah hriat theih loh mah se, Farkawn khaw mite chuan Mirâwnggho sulhnu emaw Myanmar ram chhunga Lusei hnam zinga Pautu hnamho sulhnu nen a inan em avângin an thlangtlak kawnga an sulhnu emaw a nih theih an ring. Heng lungphunte hi tlang chhîpa phun niin, lung phun zînga eng emaw zat hi chu lui lung ni ngeiin a lang a, hetiang lung lian leh tam tham tlanga phun tur hian, mihring hun leh tha a mamawh tam viauin a rinawm.

An sawi danin, lungphun thenkhat chu a nghet tha lo hle a, sawi tlûk mai theih te a ni a, thenkhat chu 6ft vela sangte a ni a, 2ft vel lek leka liante a awm a ni. A panna kawngah lungphun tur zinga mi ni ngeia ngaih lung pheh 5ft vela sei te pawh a awm a, lungsumte pawh hmuh tur a awm baw.

Kawtchhuah Ropui - Vangchhiaa mi leh Lungphun Ropui - Lianpuia mi te nen an lung phun dan kalhmang a inan loh em avângin a phun hun leh phuntu chungchangah a inpersan viauin a rin theih a. Farpui Tlang Lungphun hi a hun thu hlaah chuan a tlai zawk a rinawm. Mirâwnggho phun emaw, thlangtla hmasa kan pi leh pute ngei phun pawh a ni thei ang. Chutihruah chuan heng lungphunte hi Mirâwng lamlianin a zawm vek tho nia a lan avângin kawng laitute leh lung phuntute hi hun khata cheng an ni thei a. Mahse, lunga an sul hnutchhiaah a inan loh em avângin mi hrang daih an nih a rinawm zawk.

He hmun atang hian Myanmar leh India inrina Tiau Lui pawh chiang takin a lang thei a ni. Kan sawi tawh angin, tlang chhîpa awm a ni a, a kal pawhna kawng a la mumal loh avângin tlawhpawh a hautak rih hle.

Farpui Tlang Lungphunte hi Farkawn Heritage Preservation Society chuan heng hmun hluite hi a pawimawhah a ngai a, an humhalh hle baw. Heng lungphun pawimawh tak humhalh leh zir chiang tur hian sawrkar emaw hetiang lam zir miten hma la thuai se, a duhawm hle.



DISTILLED WATER.
Exide Company Products.

For Motor/Inverter/Solar Batteries

LH Thanga Enterprise
Ramhlun North
Ph:7628833865

MRP. 160/-



Bawngkawn Durtlang Road
Ph:6909137974
9:00 am- 6:00 pm

Editor: John Lallawmawma (7005610110); **Jt. Editor-te:** John F. Lalrinsanga, Lalhruaizeli Pachau, Lalrotluangi Zote, RK Lalmuanpuia
Manager: H. Rodingliana (9862818415); **Asst. Manager-te:** Vanlaremruatpuia Ralte, Lalremruata, Lalhmingthanga
Circulation Managers: Dominic Lalmuanpuia, PB Lahuapzaua, Hmingthanzuala, Lalrintluanga, K. Lalmuanpuia, Lalrinchunga, R. Zodinsanga, Lalthlamuana Ralte

**DAMLO**

■ Pi Zoliantluangi Zote w/o R. Lalrotluanga, N-Sec chu Scrub Typhus avângin in lamah enkawl mek a ni.

■ Japhetha Biakhmingmawia s/o Lalbiaksanga (Patea), C-Sec chu kawthalo leh luak avângin Synod Hospital, Durtlangah enkawl mek a ni.

■ Alex Lalnundika s/o Mimi Vanlalruati, S-Sec zunkawnga hnai awm leh thisen var sang avânga LRM Hospital-a awm chu tun kâr khan dam takin a lo chhuak.

■ Pu CK Dawngliana s/o C. Rodala, S-Sec chu nerve thalo avângin in lamah enkawl mek a ni.

■ H. Vansangpuia, kum 4 s/o Lalmuankimi, S-Sec, Pneumonia avanga Synod Hospital, Durtlanga awm chu dam takin a lo chhuak.

**SUB-COMT THUTHAR**

■ **Property Committee:** Ni 21 December 2024 khan nilengin Zemabawk thlanmualah light fit-in an hnatlang.

**MHIP**

■ MHIP, Ramhlun North Branch chuan veng chhunga chungkaw 23 hnenah Krismas thilpek Rs 2,000/- theuhin an sem. MHIP-te hian veng chhunga vantlang inthiarnate an tifai thin a, faina kawngah an thawh hlawk hle. Nikum 2024 chhung khan veng chhunga public toilet tifaian tum eng emaw zat an hnatlang a, remchang awm apiangin hnatlan chhonzawm zel an tum a ni. MHIP, Ramhlun North Branch chuan kumthar 2025 hi chhung tin tan kum that kum lo ni theuh turin duhsakna a hlan a ni.

**ZIN & HAW**

■ Dr. Vanlalhlana, Bialtu MLA te chungkua, T-Sec, Kolkata-a kumthar hmanga zin chu dam takin an lo haw.

■ Nl. Raphael Rinhlupuii d/o Jeremiah L. Fanai, T-Sec chu NLU, Shimla-a a zirna atangin chawlh hmangin a lo haw.

**ADVERTISEMENT****VALTEA STEEL AND ALUMINIUM FABRICATION**

Steel leh Aluminium eng chi pawh siam tur neite tan koh leh biakrawn theih reng kan ni e.

LD – 7640879768 | 9366215935

COMPUTER ZIRNA FREE ADMISSION!!!

Session thar (January - June, 2025) atan computer admission a tih theih ta e. Seat a tlem avangin mahni timing duh kan chan theih nanrawn ngaihven thuai rawh le.

Course: DCA - 1st Semester

Timing: 7:00 am to 8:00 pm

Nexus Institute

Govt. Approved

Computer Institution

Location : Ramthar Veng

Sihpui, Tlangveng road,

Chhuahkaia step chhoh vei lam,

Biakthanmawia building,

kawngpui an chung chiah.

Contact: 8974744989 /

9774210402

2024 MIZORAM

THLAWHNA CHESUAL: January ni 23 khan Mizorama Burma sipai tangkhang phur tur thlawhtheihna Lengpui airport-a rawn tum chu runway-ah a chesual a, mi chuang 14 zinga 8-in hliam na vak lo an tuar.

MIZO NAUPANG GUINNESS WORLD RECORD-AH: Naupang kum 11 mi, Samuel Lalbiakhlua s/o MS Dawngzuala, Saitual khua chu March ni 17 khan Bir Billing, Himachal Pradesh-ah parachute hmangin luang takin a thlawk a. Heti hian P2 zir zovin paragliding pilot certificate a dawng. Guinness World Record-a paragliding pilot naupang ber record awm mek hi kum 12 a ni a, Samuela hi kum 11 chauh a la nih avangin hetiang lama khawvela naupang ber a ni ta a, Guinness World Record-ah Mizo naupang a lang thei dawn niin a lang.

TOP GRADE ARTIST THI: Pi Vanhlupuii, Mizo zinga All India Radio Top Grade Artist awm chhun chu kum 77 mi niin Marh ni 29 khan a thi. Vanhlupuii hi kum 1950 vel atangin a zai tan a, kum 1957 atangin Radio-ah hla a record tan a, kum 1969-ah Grade 'A' ah a kai chho a. Mizo zaithiam kan neih zingah All India Radio (AIR) Top Grade Artiste kan neih chhun a ni zui ta a ni.

MP (LOK SABHA) INTHLAN: April ni 19 khan Parliamentary Constituency No. 1 - Mizorama Lok Sabha General Election 2024 chu Mizoram pumah neih a ni a, ZPM candidate Richard Vanlalhmangaiha chuan vote 2,06,181 hmuin MP atan thlan tlin a ni.

MISS MIZORAM: Zonet buatsaihin Miss Mizoram thlan a ni a, April 26, 2024 zan khan Saizahawla Arcade-a City Sky Hall-ah Grand Finale neih a ni a, Miss Mizoram 2024 atan Jennifer Lalrinzuali Renthlei thlan a ni a, lawmmanah Rs 2,00,000/- bakah Vespa Scooter a dawng a ni.

PADMA SHREE DAWNG: India rama civil mite chawimawina sang, Padma Shree award chu TNT dintu, Sangthankima hnenah President, Draupadi Murmu-i chuan Delhi-a Rashtrapati Bhavan-ah May ni 9 khan a hlan. Pu Sangthankima hian Thutak Nunpuitu Team (TNT) hi kum 1988, November ni 14 khan Champhai khuaah ngawlvei, fahrahte leh mi ate enkawlina atan a din a ni.

CYCLONE REMAL: May thla tawp lama Cyclone Remal avanga thli leh ruah thawk avangin Mizoram hmun hrang hrangah chhiatna a thlang nasa hle. Mi 34 velin nunna

chanin ruang hmuh loh pawh a awm hial a ni. **MIZOIN FOOTBALL THIAM BER:** July 19, Zirtawpni khan New Delhi-ah infiamna khawvel atanga icon tam tak telna, AIFF Award Night ropui takah Lallianzuala Chhangte chu a vawihniha atan Football Players' Association of India (FPAI) in a buatsaih, Indian Football Award-ah India player tha ber 'Indian player of the year' atan thlan a ni.

COUNCIL MEETING LUNGLEIAH: July ni 2 khan Council of Minister Meeting chu Lunglei-ah neih a ni. Hei hi Aizawl pawna Council of Minister Meeting neih hmasak berna a ni.

GOVERNOR CHUNGCHANG: Larsap Dr. Hari Babu Kambhampati chu chuap lam fel lohna avangin Hyderabad damdawi inah September ni 9 khan dah luh a ni. Damdawi inah hian chawlhkar khat vel awmin a theih loh chung hian Tripura larsap, Indra Sena Reddy Nallu chuan a rawn hmu. Hetih lai hian Odisha Governor chu a ban thut avangin Mizoram governor, Dr. Hari Babu term a lo tawp ve dawn chiah bawh nen, Odisha Governor atan hian ruat zui a ni a, Union Minister hlui, General (Dr.) VK Singh, PVSM, AVSM, YSM, (rtd) chu kan Governor thar a ni thung ang. Ani hi January ni 9-ah lak luh tura ruahman a ni.

MINISTER DANG: October ni 17, 2024-ah Minister (i/c Power & Electricity etc) F. Rodingliana leh a hote chu Zemabawk thlangah Assam Rifles sipaite'n an lo tiding a, hun eng emaw chen an inhnial buai. Chief minister a inrawh hnuah an chhuak thei hram a ni.

INDIAN SUPER LEAGUE: October ni 26 khan India rama a vawikhat nan Urban Downhill Event chu Aizawlah Red Bull nen tangkawpin neih a ni. Thirsakawr hmanga infiamna, Redbull Urban Downhill Biking Event hi Republic Vengah buatsaih a ni a. He inelnaah hian Taiwan mi, Chiang Sheng Shan chu pakhatna a ni a, Indonesia mi, Rama Teguh Adi Pratama chu pahniha niin Yawar Ali Khan, Jammu & Kashmir-a mi chu pathumna a ni thung. Intlansiak mi 21 telin ram pawn atangin mi pali telin Mizo pathum an tel bawh.

KOHRAN INPUMKHATNA: June 11 khan J.M. Lloyd Hall, Synod Office-ah Mizoram Kohhrante Inpumkhatna Joint Committee Kohhran hrang hrang paruk - Mizoram Presbyterian Kohhran, Mizoram Baptist Kohhran, Evangelical Church of Maraland, Lairam Isua Krista Baptist Kohhran, Evangelical Free Church of India, Isua Krista Kohhran (Ng) te chuan Council of Churches in Mizoram din an rel.

MATCH FIXING: Mizoram Football Association chuan November ni 4 khan Mizoram Pre-

mier League Season 11-ah khan match fixing a awm nia hriain CID-te nen an chhui a, player 24, coaching staff mi 3 leh club pathum, heng: Sihphir Venghlun FC, FC Bethlehem leh Ramhlun Athletic FC te chu kum 3 chung atan hrem an ni.

THIRSAKAWRIN INDIA FANG: "Ride to Clean Air" tih thupui hmangin Pu Vanlallawmzuala Varte (LZ Varte) s/o VL Chhuanawma, Mission Veng chuan thirsakawrin India ram a fang chhuak! Ni 204 zet zet thanga state zawng zawng a tlawh hnuah November ni 5 khan Aizawl a lo thlang leh a ni.

WOMEN'S ASIAN HOCKEY CHAMPION: November 11-20 chhunga Rajgir, Bihar-a Women's Asian Champions Trophy (2024) khelhah Kolasib nula, Lalremsiami Hmar khelhna Indian Women Hockey team chu China 1-0 a hnehin an champion a, The 2024 Women's Hockey Junior Asia Cup Muscat, Oman-a December 7-15, 2024 chhunga khelhah Mizo tleirawl pahni - PC Lalrinpuii, Hnahthial leh Lalthantluangi, Kangmun South te telna India team chu Women's Junior Asia Cup, 2024 Muscat, Oman-ah China tho hnehin an champion bawh. Hetih mek lai hian Asian Arm Wrestling International Cup 2024 October 19-26-a Mumbai khawpuia neihah ITI tlangval, Denic Lalruattluanga chuan kg 80 huangah Islam Nurmanov, Kazakhstan mi chu hnehin gold medal a dawng a, Laldinsanga Ramthar veng, Lunglei chuan Nov. 30 khan Bangalore-ah WBC final khelin Michael Decardi Nelson, Ghana chu bantamweight huanga hnehin a champion bawh.

CHIEF SECRETARY THAR: Chief Secretary ni lai, Dr Renu Sharma chu November 1 atanga Superannuation pension-in a chawh tak avangin CS thar atan Pu Khilli Ram Meena, IAS ruat a nih thu November ni 21 khan puan a ni. Dr Renu Sharma a chhuah a, a thar tur a rawn thlen hma hian H. Lalengmawia, IAS chuan CS hna hi a lo chelh lailawk a ni. Tichuan, November ni 21 khan Pu Khilli Ram Meena chuan a hna hi a rawn zawm ta a ni. Ani hi kum 1993 IAS Batch niin, AGMUT Cadre a ni.

KAN NGHAAHLELH KUMTHAR CHU! (Kumthar Chibai Būk Nan)

Kan ti nek nek a, hei kumthar chu kan hmanng tan ta der mai; kei pawh kum a lo thar dek dek hi chuan ka pian champhaphak a ni nghal thin a, mite ai chuan he ka pian champhaphak hi ka hmanng hma a ni ta zel mai.

Kumthar kan tih hi mihringten hun bi kan tehna mai chauh a ni a, nikum leh nimin te hi nakkum leh naktuk nen a nihphungah chuan danglamna hranpa a nei lo va. Mahse, mihringin kan hun bi chhiar dânah a pawimawh em avângin mimal, chhôngkua, kohhran leh sâwrkâr thlengin ruahmanna thar kan siam thin a ni.

He kumthar hi ngâkhlel taka lo thlir leh ngâkhlel lêm lo, lo huphurh lâwk viaute pawh kan awm ngein ka ring. Tin, kan ngahhleh chhan leh ngahhleh loh chhan pawh tam tak a awm thei ang. Nang, he kumthar hi engtiang takin nge i ngahhleh ve, tiin zawhna ka han zawt teh ang che. Kei, ka lo ngaih ve danah chuan, kumthar kan ngahhleh chhan ni theite chu- Sâwrkâr hnathawkte tân kumtharah chuan dinhmun tha zâwka ding tûa inngaihna nei, kâisân, hlawn pun, etc avângtein kan ngâkhlel a ni thei. Tin, hna la hmu lote tân pawh hna hmu beiseina avângin kan ngâkhlel a ni thei a. Chutiang bawkin, in leh lo thar leh tha zâwk neih beiseina avângte pawh a ni thei.

Kan chhungkuaah nula leh tlangval la awmte tân nupui/ pasal neih kum tûr, ti ıla ka sawi sual ang em (hei hi thalai tam tak kumthar ngahhleh chhan chu a ni thei)? Tin, innei tharte tân pawh fa neih beiseina avângin kan ngâkhlel thei baw.

Hêng bâkah hian kumthar ngahhleh chhan tam tak a la awm thei ang a, mimal tinah erawh a danglam thei viau ang. Thil duhawm nia kan hriatte chang tûrin hisâp thui tak kan nei fo thin. Khing kan sawi takte khi mahni hmasialna atanga chhuak mai a nih chuan kan beisei angin thil a kal loh chuan kan beidawng hle ang. Mihringte hian kan hma lam programme kan siam rêng rêngah hian a thleng thei tih chu hre tho mah ıla, thil tha lo - harsatna te, natna te leh thihna te hi kan telh ngai vak lo. Kan siam tel lohah hian hun kan hmanng tam hle si. Amaherawhchu, Lalpa tâna nung tûr tih inhretu tân erawh chuan a thinlung duhzâwng chu Pathianin a pe thei a ni.

Kumthar kan ngahhleh vak lo pawh a ni thei, a chhan pawh hna avânga hmun hrehawm zâwk leh chakawm lo zâwka insawn a ngaih dawn vângte leh pension kum tûr a nih avânga khawsak harsat tûr ngaihtuahna avângtein kan ngâkhlel lo a ni thei. Bâwrhsâwmna leh harsatna hrang hrang avânga thihnain chhôngkua min then hlauhna avângin kan ngâkhlel lo thei baw.

Kumhlua kan hmanngaih kal tate tel lova hun hman huphurhna avângtein he kumthar hi kan ngâkhlel lo thei baw. Sawi dawn chuan sawi tur a tam lutuk, mahse kan ngahhleh loh chhan erawh, keimahnia a thawh dan azir a ni thei, keini lo sawi lawk vak chi pawh a ni lem lo.

Hêng chauh lo pawh hi kumthar kan ngahhleh loh chhan tam tak a awm ngei ang a. Ngâkhlel lo viau pawh ni ıla, kumthar chu a lo thleng tho tho va, chuvâng chuan, eng ang harsatna pawh lo thleng sela, huaisen taka kan hmachhawn theihna tûrin kan rilrû kan buatsaih zâwk tûr a ni.

Chutiang tur chuan i rilru kha han sawrbing ta la, he kan ngahhleh kumtharah hian nikum lama i thil lo chin thin tha lo takte pawh kha i sim phah mai thei asin. Rilru thar nen, nun thar nen kuminah hi chuan hun bi chhiar dan thiam i tum theuh ang u tih hi ka chah duh che u ni rawh se.

SP TUI

Tui hna thianghlum, ei leh in tlak, litre 2000 pickup trip kan pe thei e.
Mobile: 9615789047/8730960917

KC TUI

Tui thianghlum, Pickup-in 2,000 litre kan pe thei reng e. Ramhlun North veng chhung tan discount kan pe e.
Ph: 7005010327 / 9774223462

SEPTIC TANK KHAT TAN

SEPTIC TANK-A HARSATNA NEI TAN KOH THEIH RENG KAN NI E. PAIH FAI, COMMODE BLOCK, PIPE FITTING, COMMODE FITTING, EUROPEAN, SOAK PIT HLUI REPAIR LEH A THAR PAWH KAN SIAM THEI E.
**RATE: INBIAKREMNA
REGISTRATION NO. MRS 154 OF 2012
L.D. 7640879768 / 9366215935**

M.S. SEPTIC TANK SERVICE

Septic Tank khat paihfai, commode Block, Pipe Block leh Soakpit hlui leh a thar siam repairing engkim kan thawk reng e.
Rate: Inbiakremna | Ph: 8974361224 | 7005241029

SAWMA SEPTIC TANK SERVICE

Septic Tank khat paihfai, Commode block, Pipe fit, Soak pit thar siam, engkim kan thawk thei e.
Rate: Inbiakremna | Phone: 8119969364

E-STAR COMPUTER CENTER

(MSCTE Govt' Approved Institution)
FREE ADMISSION!!!

2025

DCA - 1&2 Sem (January to June) a zir duh tan Admission a tih leh theih ta e.

Contact No- 8731875084 / 7005421131

PAN CARD, Aadhaar card download, Employment Registration, Income, Residential leh in hmun hming thlak kan buaipui thei baw e.

**ER. ZOSANGLIAN BUILDING,
ZOTE ARCADE 3rd FLOOR,
NEAR D-3, OPPOSITE NAZARETH HOSPITAL,
RAMHLUN NORTH**

JOHAN'S COMPUTER INSTITUTE (JCI)

(GOVT. APPROVED INSTITUTION)
Near LH Thanga Enterprise, Industry Peng. Ramhlun 'N'
Contact No. 7005608874

COMPUTER CLASS (Jan - Jun Session)

FREE ADMISSION OPEN

COURSES: 1.CCC; 2. DCA 1st & 2nd Sem
Timing: 6:30am-8:30am
10:00am-5:30pm | 6:30-9:00pm
Instructor: C Lalbiaknunga (Nungtea), BE Comp. Sc & Engg.

COMMON SERVICE CENTRE (CSC)
kaltlangin hengte hi kan ti thei baw

Pan Card | Motor Insurance | Learner's Licence | Tribal/Residential/ Income Certificate| Indian Passport | GST Registration | UDYUM Registration | Inmun Hmingthlak (Sales & Gift Deed) | Bank Mortgage & Release Lease/Rent Agreement